

Headline	Kuasai bidang bioteknologi		
MediaTitle	Utusan Sarawak		
Date	10 Nov 2011	Color	Full Color
Section	EKONOMI	Circulation	37,981
Page No	b1	Readership	113,943
Language	Malay	ArticleSize	437 cm ²
Journalist	N/A	AdValue	RM 1,631
Frequency	Daily	PR Value	RM 4,893



Untuk mengembangkan industri berasaskan agro

Kuasai bidang bioteknologi

MULLER ASEN

KUCHING, Rabu — Sarawak perlu menguasai bidang bioteknologi dalam usaha membangunkan industri berasaskan agro khususnya di Kuala Rajang, dekat Sibunya yang berpotensi menjadi hab halal di negeri ini sekali gus menjadi platform untuk merebut peluang pasaran produk halal dunia.

Ketua Menteri Sarawak, Pehin Sri Haji Abdul Taib Mahmud berkata, pada hari ini nilai pasaran produk halal dunia adalah lebih 600 bilion USD (RM1,881 bilion) dan nilai ini dijangka meningkat menjadi trilion menjelang tahun 2020.

Beliau berkata, Sarawak memiliki kelebihan untuk merebut peluang pasaran produk halal tersebut memandangkan Kuala Rajang akan dibangunkan sebagai Pusat Halal Hab di dalam kawasan Koridor Tenaga Boleh Diperbaharui Sarawak (SCORE) yang berasaskan industri agro.

“Bagaimanapun, kita perlu menguasai bidang bioteknologi untuk memahami bagaimana industri berasaskan agro akan dapat membolehkan kita merebut peluang pasaran produk halal dunia tersebut.

“Pada masa sama, Sarawak juga perlu mempunyai lebih ramai pakar saintis malah perlu melaksanakan banyak penyelidikan bagi membangunkan industri berasaskan agro ini dengan cara yang lebih berjaya terutamanya di Kuala Rajang,” katanya.

Beliau berkata ketika berucap melancarkan buku ‘From Belacan To FM’, yang mengisahkan perjalanan seorang hidup kanakkanak yang hidup serba kekurangan dari kampung di persisiran Kuala Rajang, hasil penulisan Dato Affandi Tahir.

Dalam pada itu, Pehin Sri Taib memberitahu, beliau baru pulang dari lawatan kerja ke India dan menyatakan rasa gembira apabila Universiti Malaysia Sarawak (Unimas) telah menjalinkan kerjasama

ma dengan sebuah universiti di negara berkenaan dalam bidang pembelajaran teknikal.

Katanya, secara tidak langsung, universiti dari India tersebut akan dapat membantu serta menyediakan pengajar yang pakar dalam bidang teknikal sekali gus membantu Unimas dalam melahirkan graduan yang berkemahiran teknikal di negeri ini.

“Kerajaan negeri sememangnya memberi tumpuan terhadap aspek melahirkan tenaga kerja yang mahir dalam bidang teknikal bagi menampung keperluan pekerjaan di (SCORE) khususnya dalam industri-industri berat,” ujarnya.

Hadir sama menyemarakkan majlis pelancaran buku tersebut ialah isterinya, Puan Sri Ragad Kurdi Taib, Pengerusi Eksekutif Kumpulan Corridor Development Corporation (CDC) Berhad, Dato Muhammed Kassim, Tan Sri Datuk Amar Haji Bujang Mohd Nor, Dato Haji Salleh Sulaiman serta tetamu kehormat yang lain.

Headline	Kuasai bidang bioteknologi		
MediaTitle	Utusan Sarawak		
Date	10 Nov 2011	Color	Full Color
Section	EKONOMI	Circulation	37,981
Page No	b1	Readership	113,943
Language	Malay	ArticleSize	437 cm ²
Journalist	N/A	AdValue	RM 1,631
Frequency	Daily	PR Value	RM 4,893



DILANCARKAN ... Ketua Menteri, Pehin Sri Haji Abdul Taib Mahmud menunjukkan buku "From Belacan To FM" di salah sebuah hotel terkemuka di Kuching, semalam. Turut kelihatan Dato' Muhammed Kassim, Dato Haji Affandi Tahir dan Tan Sri Datuk Amar Haji Bujang Mohd Nor. • AWANG KUSHAIRY JUNAIDI